



Universitätsbibliothek Paderborn

**Martini Bonacinae, Sacr. Theologiae, Ac I. V. D. Vticensis
Episcopi, Tractatus De Legitima Svmmi Pontificis
electione, iuxta Summorum Pontificum, praesertim
Gregorij XV. & Sanctiss. D. N. Vrbani ...**

Bonacina, Martino

Lvgdvni, 1637

Qvæstio I. De pœna excommunicationis contra facientes sponsones, seu
excommissas super vita, morte, & futura electione Pontificis, aut super
promotionibus Cardinalium.

urn:nbn:de:hbz:466:1-10669

Septima, contra Cardinales non seruantes formam electionis, & alia quæ ipsis in Gregor. X V. constitutione iniunguntur; de his singulis gradatim, & singillatim agere decreui.



Q V A E S T I O I .

De pœna excommunicationis contra facientes sponsiones, seu excommissas super vita, morte, & futura electione Pontificis, aut super promotionibus Cardinalium.

S V M M A R I V M .

- 1 Refertur textus in quo ista excommunicatio continetur.
- 2 Assignatur materia istius excommunicationis.
- 3 Sponsio, vel quilibet aliis contractus super morte, vel futura electione Summi Pontificis, aut super promotione alicuius Cardinalis, punitur pœna excommunicationis.
- 4 Sponsonem fieri permittens in suis terris super

per vita, morte, vel electione Pontificis, aut promotione Cardinalis punitur pœna excommunicationis.

5 Idem dic de consulente, auxiliante, aut consensum præstante.

6 Paritas materiae videtur ab hac censura excusare.

7 Enumerantur personæ, quæ huic excommunicationi subiiciuntur.

8 Absolutio istius excommunicationis reservata est.

9 Absolutio an valida sit nondum facta restituzione.

VA TVOR principaliter in hac quæstione explicabo, primò utrum facientes præfatas sponsiones excommunicationi subiiciantur; Secundò quænam sit materia istius excommunicationis; Tertiò, quodnam sit subiectum; Quartò, quis eius absolutionem conferre possit.

PRIMA PROPOSITIO.

1 **F**aciens sponzionem, seu excommisam super vita, morte, aut electione Papæ, aut super promotione Cardinalium, excommunicationem ipso facto incurrit, & aliis pœ-

O 4 nis

nis afficitur. Ratio est, quia Gregor. X IV. ut
occurreret incommodis, quæ ex prædictis
sponsonibus facile sequi potuissent in Bulla
cogit nos depravata, irritat omnes promissiones,
etiam iuramento vallatas, efficit promittentes
inhabiles ad acquirendum pecuniarum domi-
nium, etiamsi solutæ, aut datæ, seu remissæ, aut
condonatæ fuerint, sed ad eas locis piis illius
ciuitatis, in qua sponsiones factæ fuerunt, vel
potius ubi primum detectæ fuerunt, restituendæ
obligat, etiam in foro conscientiæ ante
sententiam Iudicis: nam Summus Pontifex
statuit huiusmodi pecunias præfatis locis ac-
quiri, & contrahentes ad restitutionem, seu
elargitionem iisdem piis locis in utroque Fo-
ro teneri, an autem hæc Bulla fuerit cum tan-
to rigore in hac parte usu recepta, quisque po-
test praxim consulere.

Præterea idem Gregorius Ecclesiasticas
personas huius criminis reas, priuat omnibus
dignitatibus, beneficiis, & officiis, ac ad illa
inhabiles reddit. Denique contra omnes de-
linquentes excommunicationem ipso facto
imponit, cuius absolutionem Summo Pôtifici
pro tempore existenti reseruat, excepto mor-
tis articulo cum prævia restitutione pecunia-
rum, occasione huiusmodi sponsonum perce-
ptarum. Hæc est summaria compilatio eorum
quæ

quæ in præfata Gregorij XIV. bulla continentur.

SECUNDA PROPOSITIO.

² **M**ateria istius excommunicationis est, triplex actio in hac Bulla expressa.

³ Prima actio est sponsio, seu promissio, conuentio, pactum, seu contractus nominatus, vel innominatus, super vita, morte, futura electione Summi Pontificis, tam eo viuente, quam Sede vacante; aut super promotione Cardinalis. Ista actio perspicuè exprimitur in illis verbis, *Pij Papæ IV. prædecessoris nostri, qui pariter hoc ipsum super futura Pontificis electione fieri prohibuit vestigiis inhærentes, de tributæ à Domino potestatis Apostolicae plenitudine, hac nostra in perpetuum valitura constitutione, damnamus, & reprobamus, omnes, & quoscunque sponsiones, promissiones, stipulationes, conuentiones, aut pacta, excommissas vulgo dictas, quoniam nomine, aut vocabulo appellatas. Quas siue per cedulas, ut aiunt, vel apochas, aut alio quoconque publicæ, aut priuatae Scripturæ, aut chirographi genere, vel per Mensariorum, aut Mercatorum libros, aut partitas, ut dicunt, seu verbo tantum data fide, aut facto deposito certæ pecuniarum summae, vel & cuiusvis alterius rei pretio estimabilis, aut alias quoquo mo-*

O 5 do,

do, vel sub quāvis nominati, aut innominati contractus forma, aut conditione in euentum vitæ, aut mortis, vel futuræ creationis Romani Pontificis, tam eo viuente, quām Apostolica Sede vacante, aut in euentum promotionum S. R. E. Cardinalium, post hac in quibus suis Christiani orbis Regnis, Dominiis, Provinciis, Ciuitatibus, Terris, & locis ubilibet gentium, aut locorum iniri quandocunque contigerit.

4 Secunda actio est permissio dictarum sponsionum respectu personarum publica auctoritate fungentium, quæ prædictas sponsiones tacitè, vel expressè in locis sibi subiectis fieri permittunt. Idem militat in Consiliariis, Magistratibus, Potestatibus, Gubernatoribus Præfectis, aut Locum-tenentibus, prædictarum personarum publicarum, ut patet ex illis verbis, *Vlterius etiam in eos, qui talta patrare, & huic nostræ constitutioni contravenire præsumperint, tam si prædictis, quæ hic pro expressis habentur, quām si quibus suis mundanis etiam Ducalibus, Regiis, Imperialibus dignitatibus fungantur, ac etiam in eosdem, vel alios, qui id in terris, vel locis, Ciuitatibus, ac Dominiis sibi subiectis, tacitè, vel expressè fieri permiserint, eorumque Consiliarios, Magistratus, Potestates, Gubernatores, Præfectos, aut Locum-tenentes.*

Tertia actio est auxilium, consilium, fauorem,

rem, aut consensum in præmissis præstare, aut proxenetam, vel mediatorem esse, nam in Bulla dicitur, *eorumque singulos qui pariter consensum, auxilium, consilium, vel fauorem in præmissis præstiterint, ac in quoscunque proxenetas, vel mediatores excommunicationis sententiam, per easdem præsentes ferimus, & promulgamus, eosque ipso facto absque aliqua monitione, aut declaratio-*ne, seu *Iudicis decreto, aut ministerio excommunicationis sententiam incurrere volumus, à qua eorum nullus ab alio, quam à Romano Pontifice pro tempore existente, nisi in mortis articulo, & quoad eos, qui pecunias, vel aliud quidpiam præmissorum occasione perceperint, etiam prævia restituzione integra pecuniarum eiusmodi occasione perceptarum, absolui possit, aut debeat.*

An autem ob huiusmodi actiones hoc tertio loco expressas statim incurratur excommunicatione, ante secutas sponsiones, &c. patet, ex saepius alibi dictis non incurri, quia sunt accessoriæ. Idem dicendum censet, de secunda actione, seu potius omissione, quæ consistit in permissione huiusmodi sponsionum, huiusmodi enim omissione contingit, dum non impeditur actio, quæ alioqui impedienda fuisset.

6 An autem paruitas materiæ ab hac censura excusat, patet ex regulis generalibus excusare, ut etiam in simili docui, de datis, vel promissis,

TERTIA PROPOSITIO.

7 **S**VBiectum istius excommunicationis sunt omnes, & singuli contra præfatam Bullam delinquentes ; dispositio enim generalissima est, ut apertè constat ex verbis textus in secunda propositione relatis. Nonnullæ difficultates circa pœnas, quæ in hac Bulla ponuntur hîc explicari possent. Verùm quia tex-tus satis clarus est, & huiusmodi difficultatum solutio facile colligitur ex regulis generalibus traditis de censuris in genere, de legibus, & de aliis censuris in particulari. Diutius hîc non insitam.

QVARTA PROPOSITIO.

8 **A**bsolutio istius excommunicationis reseruata est Summo Pontifici excepto mortis articulo, in quo absolutio impendi potest ; si pœnitens pecuniam occasione spon-sionis receptam restituit ; nam in præcitata Gregorij Bulla dicitur, *A qua eorum nullus ab alio, quam à Romano Pontifice pro tempore exi-stente, nisi in mortis articulo, & quoad eos qui pen-cuniam,*

cuniam, vel aliud quidpiam præmissorum occasione
perceperint, etiam prævia restituzione integra
pecuniarum, eiusmodi occasione perceptarum, ab-
solui possit, aut debeat.

9 Sed modò dubium suboritur, vtrum is,
qui pecuniam occasione sponsionum accepit,
validè absoluatur in articulo mortis, aut ab
habente priuilegium absoluendi, etiamsi non-
dum restituit ea, quæ causa sponsionum acce-
pit. Respondendum mihi videtur validè ab-
solui posse, modò pœnitens intentionem ha-
beat restituendi quamprimum commodè po-
terit. Ratio est, tum quia non irritatur absolu-
tio aliter impensa; tum quia ablatius ille ab-
solutus (etiam prævia restituzione integra pecu-
niarum huiusmodi occasione perceptarum) non im-
portat conditionem necessariam, sed præce-

ptum quo admonetur Confessarius de

co, quod curare tenetur, vide quæ

tradidi *de censuris in genere,*

disp. I. q. 3. puncto 9. cum

Sanchez, Auila,

&c aliis.

QVÆ